

Haddal 07.03.2022

Haddal grendahuslag

Innspel til skuledebatten i Ulstein.

Dette innlegget vert skrive på vegne av styret for grendahuset. Vi er svært uroa over planane om å legge ned Haddal skule og dermed også ramme drifta av grendahuset.

Vi er heilt avhengige av at kommuna stiller opp med vidare drift av bygget dersom skulen skulle verte lagd ned.

Bygda har eit aktivt korps og idrettslag ,danseklubb og sanitet m.m. pluss at huset vert brukt til bryllaup og konfirmasjonar, basarar og konsertar ,åremåldagar og barnedåpar m.m

Bygda og Grendahuset har ikkje moglegheit til å drifte eit så stort og kompleks bygg. Det vil seie at ved ei nedlegging slepp ikkje kommuna unna utgiftene til drift og vedlikehald.

Vi reknar med at kommuna også i framtida vil tilby treningslokale til korps og idrettslag på lik linje med tilbodet i andre krinsar.

Når det gjeld Haddal musikkorps må ein også take med faren for at det kan miste rekrutteringa og på sikt verte nedlagt dersom elevane vert spreidde på fleire skular. Dette er ein svært alvorlig konsekvens for oppvekstmiljøet i kommuna som på takast på høgste alvor.

Samme problemet kan det verte for idrettslaget dersom elevane blir spreidde på fleire skular. Trur det kan verte vanskeleg å halde på ungane dersom dei ikkje har det fellesskapet som dei har på Haddal skule.

Haddalbygda og kulturlivet er heilt avhengige av at kommuna opprettheld drift og vedlikhald av Haddal skule og grendahus, dersom konklusjonen skulle verte nedlegging. Dermed vil kommuna og miste mykje av innsparingspotensialet som det vert vist til i rapporten

Nedlegging vil også gi ei svært usikker framtid for rekruttering og drift av korpset og idrettslaget.

Når det gjeld det skulefaglege reknar eg med andre vil kommentere den sida av saka.

Haddal grendahuslag

Terje Haddal